

SCRIPT OF EVENING GOJRI NEWS BULLETIN 23MAY 2025 1700HRS

اونینگ گو جری نیوز بلیٹن مورخہ 23 مئی 2025

یوہ آکا شوانی جموں ہے عبیدالرحمان تے نصرت تیں خبر سُنو۔

HEADLINES

- ۱۔ وزیر داخلہ امت شاہ نے اوپریشن سندھور غے دوران سرحدی حفاظتی فوج بی ایس ایف غا کردار غی سراہنا کی ہے تے کہیو ہے کہ پوری دنیا اس وقت بھارتیہ فوجی دستاں غی بہادری غی تعریف کر رہی ہے۔
- ۲۔ وزیر اعلیٰ عمر عبداللہ نے رابطہ دفتر مانہ کئی عوامی وفود نال ملاقات کی ہے۔
- ۳۔ ایبوزیر اعلیٰ سریندر چودھری نے سرینگر مانہ سرکاری عملہ نال گل باتکی تے مضبوط جموں کشمیر بنان غا وعدہ نانہ دوہرایو ہے۔
- ۴۔ ریاستی تحقیقاتی ایجنسی نے اج ضلع پونچھ مانہ منشیات تے دہشت گردی معاملات غا تناظر مانہ کئی جگہاں ور چھاپا ماریا ہیں۔

SHAH BSF

مرکزی وزیر داخلہ امت شاہ نے کہیو کہ آپریشن سندھور پہلگام حملہ گو موثر جواب ہے تے اج دنیا بھارتی مسلح افواج غی بہادری غی تعریف کر رہی ہے اج نوی دہلی مانہ سرحدی حفاظتی فورس غی اعزازی تقریب تیں خطاب کرتا واں مرکزی وزیر داخلہ امت شاہ نے کہی وکہ بی ایس ایف تے مسلح افواج نے پاکستان غے خلاف جوابی کاروائی مانہ غیر معمولی شجاعت تے دفاعی طاقت غو مظاہرہ کیو۔ انہاں نے مزید کہیو کہ پاکستان نے یوہ ثابت کیو کہ پاکستان دہشت گردی غو سرپرست ہے کیونجے جب بھارت نے دہشت گرداں ور حملو کیو تاں پاکستان نے اُس نانہ اپنا ور حملو تصور کیو۔ اس موقع ور گل کرتا واں مرکزی وزیر داخلہ امت شاہ نے اس طرح کہیو۔

CM RABBITA

وزیر اعلیٰ عمر عبداللہ نے اج سرینگر مانہ قیام رابتہ دفتر مانہ مختلف وفود نال ملاقات کی تانجے عوامی مسائل سُن غے اُنغو ازالو کیو جاسکے ان ملاقاتاں گو مقصد عوامی رُاہے جاننو شکایت سُنو تے براہ راست گل بات غیزریعے معاملات غا حل وستے بہتر راستاں غی تلاش کرنو ہے۔ وزیر اعلیٰ نے کہیو کہ حکومت ایک عوام دوست تے جواب دہ نظام بنانو چاوے۔ جہیزو جامع ترقی واسطے ضروری ہے۔ ذرا غا ابلاغ سنگ گل کرتا واں وزیر اعلیٰ عمر عبداللہ نے اس طرح کہیو۔

DY CM EMPLOYEES

نائب وزیر اعلیٰ سریندر چودھری نے اج جموں مانہ سرکاری ملازماں نال ملاقات کی تے اُن غا مسائل سُنہا انہاں نے کہیو کہ حکومت جموں کشمیر نانہ مضبوط بنان واسطے پُر عزم ہے تے ہر فرد جن مانہ افسر تیں لے غے گراں غو کار کُن شامل وے سبگا مسائل سُنیا جیں

گا۔ تے آن غو ازالو کیو جے غو اُنہاں نے کہیو کہ جنگ کسے وی مسلہ گو حل نہیں ہے زرّاع
ابلاغ سنگ گل کرتا واں نایب وزیر اعلیٰ نے اس طرح کہیو۔

AMRIT BHARAT STATION

امرت بھارت سٹیشن سکیم ایک قومی منصوبہ ہے جس غو مقصد ملک بھر گا ریلوے سٹیشن
نانہ مرحلہ وار جدید طرز ور پور بہتر کرنو ہے۔ اس سکیم غے تحت سٹیشن نانہ جدید
سہولتاں تیں آراستہ کیو جے لیکن ریلوے سٹیشن غو علاقے سنگ تے انداز برقرار رے۔ اس
سلسلہ مانہ وزیر اعظم نے گزشتہ روز 18 ریاستاں تے مرکزی زیر انتظام علاقان غا
86 ضلعان مانہ واقع 103 نوا تیار شدہ امرت سٹیشناں گو افتتاح کیویوہ قدم حکومت گا اُس
نظریہ غی عکاسی کرے جیٹرو ریلوے غا بنیادی ڈھانچہ نانہ مزید بہتر بنان صاف صفائی ،
آرام دہ سفر تے مسافراں واسطے بہتر رابطہ ور توجہ مرکوز کرے۔

PM MKB

وزیر اعظم نریندر مو دی ملک تے بیرون ملک رہ رہیا بھارتی شہریاں سنگ 25 مئی
نانہ آکاش وانی ور من کی بات پروگرام مانہ اپنا خیالات سانجہ کریں گاتے وزیر اعظم غا
ماپانہ ریڈیو پروگرام من غی بات غی پاء 122 ویں قسط وے غی۔

SIA POONCH RAIDS

اج ریاستی تحقیقاتی ایجنسی نے پونچھ ضلع غا مختلف علاقان مانہ منشیات تے دہشت گردی
تیں متعلق ایک معاملہ غی تحقیقات غا سلسلہ مانہ چھاپا ماریا ہیں۔ مارا ضلع نمائندہ غی رپوٹ
غے مطابق چھاپہ سیالان بھلیاز تے پونچھ شہر مانہ ماریا گیا ہیں تے خاص توجہ سرنکوٹ غ
سیلان علاقہ مانہ واقع زمیر احمد شیخ غی رہائش گاہ ور مرکوز رہی ہے۔ مارا نمائندہ نے
اس بارے مزید جنکاری دیتا واں اس طرح کہیو۔ دہشت گرد تنظیمان تے مقامی لوک تے دیگر
گروپان غے درمیان مبینہ مالی رابطہ بارے ریاستی تحقیقاتی ایجنسی مزید جانچ پڑتال کر رہی
ہے۔

OP SINDOOR BYTE

پوری قوم اس وقت حالیہ دنان مانہ بھارت غی طرفوں دہشت گردی غے خلاف چلایا گیا
آپریشن سندھور غی کامیابی ور جشن منارہی ہے جس مانہ بھارت نے پاکستان تے پاکستانی
مقبوضہ کشمیر غے اندر دہشت گردان غی تربیت غا 9 ٹھکاناں ور حملہ کیا تے
تقریباً 100 دہشت گردان نانہ ختم کیو ہے اس کامیابی ور بھارت غے اندر بکھ بکھ جگہاں ور
بھارتیہ فوج غا اعزاز مانہ ترنگا یاترا غو اہتمام کیو جارہیو ہے اس دوران سماج غا بکھ بکھ
طبقات نال تعلق رکھن آلا افراد آکاش وانی جموں نال اپنا خیالات سانجہ کر رہیا ہیں اس موقع ور
اپنا خیالات غو اظہار کرتا واں برگیڈیر ریٹائرڈ گرمیت سنگھ شان نے اس طرح کہیو۔

TIRANGA YATRA

حُب الوطنی غ اجزہ غی ایک انوکھی نمائش غو مظاہرہ کرتا واں اج ضلع دوڈہ غا دور دراز
علاقان مانہ بسن آلا قبائلی خانہ بدوش لوکان نے ترنگا یاترا غو انعقاد کیو جس دوران آپریشن
سندھور غی کامیابی نانہ بڑا جوش و خروش نال منایو گیو قبائلی خانہ بدوش غی طرفوں منعقد
کی گئی پاء ریلی آپسی اتحاد تے قومی فخر غو بہترین نمونو تھی پاء تقریب جموں کشمیر غا

دور دراز اونچا پہاڑاں ور بسن آلا خانہ بدوش قبیلاں تے دیگر افراد غے اندر مُلک وستے
محبت غا جذبہ غی بہترین مثال ہے ترنگا ریلی غے دوران آپریشن سندھور غی کامیابی ور
کوشی غو اظہار کرتا مانہہ گچھ قیالی خانہ بدوش افراد نے اس طرح کہیو۔

ANNOUNCEMENT PROG MUST

آکاشوانی جموں گا خبراں آلا علاقائی یونٹ غی طرفوں ایک خاص پروگرام ترتیب دتو جارہیو
ہے جہیڑو ترنگا یا ترہ تے حب الوطنی غاپس منظر مانہہ آپریشن سندھور ور مبنی وے
غویوہ پروگرام 20 منٹ غو وے گو۔ جس مانہہ محکمہ فلاحی امور برآے سابقہ فوجیاں غا
ڈائریکٹر جموں کشمیر برگیڈر ریٹائرڈ گرمیت سنگھ شان موجودہ ملکی صورتحال ور اظہار
خیال کرینگایاہ خصوصی نشریات 24 مئی 2025 نانہہ سویرے ساڈھ 9 بجے نشر کی جے گی۔
آکاشوانی نیوز مانہہ میڈیم ویو 990 کلواہارڈز 104 عشاریہ 5 میگا ہارڈز تے ایف ایم 100
عشاریہ 3 میگا ہارڈز ور یہ نشریات سنی جاسکیں گی۔ اس طرز غی دیگر معلوماتی نشریات
ور وی سانجی کرسکیں۔ rnujammu@gmail.com وستے سامعین اپنی راے

ANNOUNCEMENT

علاقائی خبراں آلا شعبہ آکاشوانی جموں غی طرفوں ضلع کٹھوعہ واسطے عارضی نامہ نگاراں
یعنی پی ٹی
سی غوپینل بنان خاطر درخواست منگی گئی ہیں مجوزہ پرفارمہ ور عارضی نامہ نگار غی
پوسٹ مانہہ دلچسپی رکھن
آلا ایسا اُمیدوار درخواست دے سکیں گا جہیڑا ضلع کٹھوعہ گا بسنیک وین تے اُن غی عمر غی
حد 24 براں تیں
براں غے بشکار وے۔ پی ٹی سی غی اس پوسٹ واسطے تعلیمی قابلیت پی جی ڈپلومہ یا 50
صحافت غا شعبہ
مانہہ ڈگری یا فیر تسلیم شدہ یونیورسٹی تیں گرجویشن غے ہمراہ 2 براں غو صحافت مانہہ تجربو
مقرر کیو گیو ہے۔
اس تیں علاوہ کمپیوٹر تے ورڈ پروسیسنگ نالے خبر اکٹھی کرن آلا آلات تے میڈیا کوریج مانہہ
تجربو وی
ضروری ہے۔ عارضی نامہ نگار غی پوسٹ مانہہ دلچسپی رکھن آلا اُمیدوار واسطے لازمی ہے
جے ضلع صدر دفتر
کٹھوعہ یا اس تیں 10 کلو میٹر غا دارہ غے اندر رہا ش پزیر وے اس سلسلہ مانہہ درخواست
غی ہارڈ کاپی
ضروری دستاویزات غے ہمراہ ہیڈ ریجنل نیوز یونٹ آکاشوانی پنچترتھی جموں مانہہ بزات خود
آئیندہ 15 جون توڑی دے سکیں۔ اس بارے مزید جانکاری ویب سائٹ
www.newsonair.gov.in ہے۔
